

Zenica, 17. 6. 2019. godine

BOSANSKO NARODNO POZORIŠTE ZENICA

D R A M A

O b j a v l j u j e

rad na novom međunarodnom koprodukcijском projektu čija je premijerna izvedba „A“ planirana za subotu, 16. novembra na Velikoj sceni BNP Zenica, a premijerna izvedba „B“ za srijedu, 4. decembra 2019. godine na Velikoj sceni Makedonskog narodnog teatra Skoplje.

Umjetnički projekat (dramska predstava - *u pripremi*) William Shakespeare „**OTHELLO**“ u režiji rediteljice Nine Nikolić, priprema se u prethodno ugovorenoj međunarodnoj koprodukciji između Bosanskog narodnog pozorišta Zenica, Makedonskog narodnog teatra (MNT) Skoplje i Produkcije Peripetija.

Rad na projektu će se odvijati u dvije glavne radne faze:

(1) 24. juni - 28. juli 2019. godine u BNP Zenica i

(2) od 15. oktobra do dana premijere predstave u BNP Zenica.

Generalne probe su planirane za period od tri do pet dana prije planirane premijerne izvedbe.

Tokom radnog procesa povremeno će biti organizirani rad u dvije dnevne probe (jutarnji i večernji termin). Ponedjeljak je u pravilu slobodan dan tokom cjelokupnog radnog procesa, izuzev finalne faze rada u formi generalnih proba.

Autorski tim projekta većinom čine umjetnici i umjetnice iz Republike Sjeverne Makedonije, dok će izvođački tim činiti glumice i glumci, članice i članovi umjetničkog ansambla BNP Zenica i MNT Skoplje, uz gostujuće glumce, od kojih će jedna (1) glumica - saradnica biti izabrana nakon održane audicije.

A U D I C I J A

se raspisuje za jednu glumicu do 35 godina starosti, što može uključivati studentice III ili IV godine studijskog programa *gluma* na umjetničkim akademijama u BiH, ili diplomirane glumice do traženih godina starosti.

Kandidatkinje za audiciju dužne su pripremiti monolog koji je dostupan na internetskoj stranici BNP Zenica (www.bnp.ba - rubrika: BNP), a na zahtjev može biti prosljeđen i na e-mail adresu kandidatkinje.

AUDICIJA ĆE SE ODRŽATI U PERIODU IZMEĐU 24. I 28. JUNA 2019. GODINE NA MALOJ SCENI BOSANSKOG NARODNOG POZORIŠTA ZENICA, PREMA NAKNADNO UTVRĐENIM TERMINIMA I SATNICAMA, O ČEMU ĆE KANDIDATKINJE BLAGOVREMENO BITI OBAVIJEŠTENE.

Zainteresirane kandidatkinje dužne su prijavu (ime i prezime, mjesto stanovanja, status: studentica ili diplomirana glumica, broj telefona, godina rođenja i kraća profesionalna biografija) i eventualne

dodatne informacije dostaviti i tražiti putem adrese elektronske pošte: igda.jaric@bnp.ba ili na broj telefona Sektora produkcije, protokola i odnosa sa javnošću: 032-442-422.

Krajnji rok za slanje prijava je 24. 6. 2019. godine.

Organizacione poslove audicije vodi Igda Jarić, organizatorica BNP Zenica.

Svim prijavljenim kandidatkinjama blagovremeno će telefonom ili elektronskim putem biti potvrđeno učešće u audiciji uz preciziranje termina i satnice za pojedine kandidatkinje.

Odabranoj pozorišnoj umjetnici će biti ponuđen izvođački ugovor u kojem će biti definirana naknada za umjetnički angažman i reprizne izvedbe, kao i drugi uvjeti saradnje.

BNP Zenica izražava zadovoljstvo i radost zbog rada sa novim umjetničkim saradnicima i saradnicama koji donose novi kvalitet i energiju u naše umjetničke projekte.

Javna ustanova
BOSANSKO NARODNO POZORIŠTE ZENICA
DIREKCIJA